



Na osnovu člana 23. Zakona o ministarstvima i drugim organima uprave Bosne i Hercegovine („Službeni glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16, i 83/17) i člana 7. Odluke o postupku srednjoročnog planiranja, načinu praćenja i izvještavanja u institucijama Bosne i Hercegovine ("Službeni glasnik BiH", broj 62/14), Agencija za statistiku Bosne i Hercegovine, d o n o s i

## **SREDNJOROČNI PLAN RADA** **AGENCIJE ZA STATISTIKU BOSNE I HERCEGOVINE 2019. – 2021.**

Dokument je pripremljen u skladu s Odlukom o postupku srednjoročnog planiranja, praćenja i izvještavanja u institucijama BiH ("Sl. glasnik BiH", broj 62/14), Uputstvom o metodologiji u postupku srednjoročnog planiranja, praćenja i izvještavanja u institucijama BiH ("Sl. glasnik BiH", broj 44/15) i Zakonom o izmjeni i dopuni zakona o ministarstvima i drugim tijelima uprave Bosne i Hercegovine ("Sl. glasnik BiH", broj 19/16)

## S A D R Ž A J

POGLAVLJE 1: STRATEŠKI OKVIR .....	3
POGLAVLJE 2: VIZIJA I MISIJA .....	4
2.1 Misija .....	4
2.2 Vizija .....	4
POGLAVLJE 3: UČESNICI I PARTNERI .....	5
POGLAVLJE 4: OSNOVNA PROGRAMSKA OPREDJELJENJA .....	6
4.1 Analiza okruženja .....	6
4.2 Srednjoročni cilj.....	8
4.3 Specifični ciljevi.....	8
POGLAVLJE 5: RESURSI I KAPACITETI ZA POSTIZANJE CILJEVA .....	9
5.1 Predviđeni izvori finansiranja .....	9
5.2 Jačanje organizacionih kapaciteta potrebnih za izvršenje plana .....	9
POGLAVLJE 6: OKVIR ZA PRAĆENJE PROVOĐENJA PLANA I EVALUACIJU REZULTATA .....	10
6.1 Definisanje ključnih pokazatelja .....	10
6.2 Metodi za prikupljanje informacija o pokazateljima .....	12
6.3 Osnovni zaključci prethodnog Izvještaja o provođenju plana rada .....	12
 PRILOZI:	
Prilog A: Akcioni plan srednjoročnog plana rada 2019. - 2021	
Prilog B: Pregled zakona, drugih propisa i razvojno - investicionih projekata/programa predviđenih srednjoročnim planom rada	

## Poglavlje 1: Strateški okvir

U skladu sa Strateškim okvirom za Bosnu i Hercegovinu, u okviru **općih principa razvoja**, mandat Agencije za statistiku Bosne i Hercegovine doprinosi **integriranom rastu** koji je usmjeren na promicanje veza regionalne trgovine i saradnje, te nediskriminirajućih, transparentnih, predvidivih politika koje poboljšavaju ulaganja, protok roba, kapitala, usluga i ljudi u regiji. Samo razvoj jedinstvenog ekonomskog prostora u BiH privući će više stranih investicija i povećati konkurentnost BiH ekonomije u regionu, te ubrzati proces integracija u europsku i globalnu ekonomiju.

**Strateški cilj** Agencija za statistiku Bosne i Hercegovine, koji proizilazi iz integrisanog rasta je **makroekonomska stabilnost**. U Strateškom okviru za BiH istaknutno je da je jedan od osnovnih preduvjeta održivog ekonomskog rasta, te povećanja zaposlenosti makroekonomska stabilnost. Makroekonomska stabilnost ostvarit će se efikasnijim upravljanjem javnim finansijama kroz unaprjeđenje procesa upravljanja državnim budžetom, fiskalnu konsolidaciju i efikasno upravljanje javnim dugom, jačanje sistema unutrašnjih finansijskih kontrola i unutrašnje revizije, te razvojem makroekonomske statistike. Makrostabilnost se održava jakom i adekvatnom internacionalizacijom ekonomije, njenom otvorenošću za ideje o tome šta svijetu treba da bi se uz pomoć savremene opreme i tehnologije utkalo u konkurentnost i izvoz bosanskohercegovačkih roba i usluga.

Srednjoročni plan rada proizilazi iz *Strategije razvoja Statistike BiH 2020* i *Statističkog programa BiH za period 2017. – 2020.*, odnosno definiše prioritete i dugoročne ciljeve i potrebe, kao i viziju ključnih segmenata rada i djelovanja u narednom trogodišnjem periodu.

Jedan od glavnih strateških ciljeva bosanskohercegovačke ekonomije u narednom periodu odnosi se na povećanje međunarodne konkurentnosti, što će omogućiti ostvarenje bržeg privrednog rasta i razvoja, te rast životnog standarda. Postojanje kvalitetnih i pravovremenih statističkih podataka nužno je za osmišljavanje mjera ekonomske i socijalne politike vezanih za ostvarenje zadanih ciljeva i praćenje učinaka pojedinih mjera politika.

### 1.2 Mandat Agencije za statistiku BiH

Agencija za statistiku Bosne i Hercegovine (u nastavku teksta: Agencija) je samostalna upravna organizacija, nadležna za obradu, distribuciju i utvrđivanje statističkih podataka Bosne i Hercegovine (u nastavku teksta: BiH), kao i njeno međunarodno predstavljanje pred evropskim i međunarodnim tijelima po pitanju statistike.

Zakon o statistici BiH (Službeni glasnik BiH, br. 26/04, 42/04) pruža pravni okvir za sve aktivnosti vezane za pripremu, prikupljanje, pohranjivanje, obradu, kompilaciju, analizu i distribuciju statističkih podataka za BiH. U skladu sa odredbama Zakona o statistici BiH, statistički podaci BiH su podaci, dobijeni iz date oblasti statistike i obrađeni, odnosno distribuirani u okviru realizacije Programa, ili drugi statistički podaci potrebni za BiH, odnosno bilo koji statistički podaci koje prikupe državna tijela, a odobri Agencija.

## **Poglavlje 2: Vizija i misija**

### **2.1 Misija**

Misija Agencije je pružanje pouzdanih, kvalitetnih, razumljivih, pravovremenih i međunarodno uporedivih statističkih podataka koje zadovoljavaju potrebe donosilaca odluka, istraživača i ostalih domaćih i stranih korisnika i odražavaju stanje i promjene u ekonomskom, demografskom i socijalnom području, području životne sredine i prirodnih resursa.

Prikupljanje, obrada, analiza i diseminacija statističkih podataka vrši se na osnovu statističkih standarda i savremene tehnologije, uz zaštitu statističke povjerljivosti, optimalno korištenje resursa i razumno opterećenje davalaca podataka.

### **2.2 Vizija**

Agencija je jačanjem svojih stručnih i infrastrukturnih kapaciteta i usvajanjem i primjenom najbolje statističke prakse postigla potpunu usklađenost sa međunarodnim statističkim standardima i načelima Kodeksa prakse evropske statistike, poštujući fundamentalne vrijednosti, kao što su stručnost, nezavisnost, nepristrasnost i otvorenost.

Korisnicima se pod jednakim uslovima pružaju relevantni i visokokvalitetni statistički podaci i usluge, a opterećenje davalaca podataka je na razumnom nivou i proporcionalno je potrebama korisnika.

### Poglavlje 3: Učesnici i partneri

Srednjoročni ciljevi, programi i aktivnosti u oblasti statistike u znatnom dijelu su određeni i strateškim ciljem BiH, ulaskom u Evropsku uniju, što pretpostavlja ubrzavanje procesa harmonizacije statističkog sistema BiH sa statistikom Evropske unije.

Tek uz punu harmonizaciju biti će moguće upoređivati, vrednovati i donositi valjane odluke o mjerama potrebnima za unapređenje pojedinih segmenata društvenog života.

Shodno navedenom, ostvarenje ciljeva ovisi od harmonizovanih i koordiniranih aktivnosti svih nadležnih organa za poslove statistike u BiH.

Realizacija ciljeva zbog svog obima i složenosti iziskuje značajna novčana sredstva i stručnu pomoć međunarodnih organizacija i donatora.

Kao učesnici i partneri u ostvarivanja ciljeva se pojavljuju:

- Organi i institucije na nivou Bosne i Hercegovine,
- Federalni zavod za statistiku
- Republički zavod za statistiku Republike Srpske
- Centralna banka Bosne i Hercegovine
- Međunarodne organizacije i donatori

Prema Zakonu o statistici BiH, statističke podatke za BiH proizvode Agencija i statistički zavodi entiteta (Federalni zavod za statistiku i Republički zavod za statistiku Republike Srpske). Višegodišnji Statistički program BiH i godišnji plan rada izrađuje Agencija u konsultaciji sa entitetskim zavodima. Agencija utvrđuje statističke standarde za implementiranje Programa, koje koriste svi statistički organi kako na nivou države tako i na nivou entiteta doprinoseći proizvodnji statistike BiH.

Nadležnost za prikupljanje podataka za Statistiku BiH proističe iz Zakona o statistici BiH i Statističkog programa BiH. Prema članu 8. Zakona o statistici BiH, Agencija je nadležna da proizvodi statistiku BiH u skladu sa međunarodno prihvaćenim standardima, a na osnovu podataka koje dostave entitetski zavodi (a koje Agencija smatra neophodnim za statistiku na nivou BiH) odnosno podataka koje neposredno prikupi Agencija.

Centralna banka Bosne i Hercegovine (CBBiH) je odgovorna za proizvodnju i distribuciju monetarne i finansijske statistike, statistiku platnog bilansa i međunarodne investicione pozicije, statistike direktnih investicija kao i statistike vladinih finansija i finansijskih računa. Statističke aktivnosti CB BiH nisu obuhvaćene Zakonom o statistici BiH. Statističke aktivnosti CBBiH su uključene u Godišnji plan provođenja statističkih istraživanja.

## Poglavlje 4: Osnovna programska opredjeljenja

U skladu sa nacrtom Strateškog okvira Bosne i Hercegovine, srednjoročni cilj Agencije doprinosi opštem principu razvoja: “Integrirani rast” iz kojeg proizilazi i strateški cilj: “Makroekonomska stabilnost”.

Prije samog utvrđivanja srednjoročnog cilja, te na temelju istog i specifičnih ciljeva i projekata Agencija je izvršila analizu okruženja kojom su identifikovane slabosti i snage institucije, kao i spoljni faktori koji bi mogli uticati na realizaciju ciljeva.

### 4.1 Analiza okruženja

Rezultati analize okruženja u kojem djeluje BHAS obavljani su pomoću SWOT analize i predstavljeni su u narednom tabelarnom prikazu.

Tabela 1. Analiza unutrašnjih faktora koji utiču na BHAS

	Analiza SNAGA Agencije za statistiku BiH	Analiza SLABOSTI Agencije za statistiku BiH
Resursi	<ol style="list-style-type: none"><li>1. Stabilni izvor finansiranja redovnih statističkih aktivnosti</li><li>2. Stručnost, profesionalnost i usvajanje novih znanja uposlenih</li><li>3. Respektabilna IT infrastruktura</li></ol>	<ol style="list-style-type: none"><li>1. Nedostatak osoblja s obzirom trenutne aktivnosti i planirana nova istraživanja</li><li>2. Fluktuacija kadrova</li><li>3. Funkcionisanje Agencije u dva odvojena radna prostora (zgrade) uz nedostatak fizičkog prostora</li><li>4. Nemogućnost provođenja određenih (anketnih) istraživanja zbog nedostatka finansijskih sredstava</li></ol>
Organizacija	<ol style="list-style-type: none"><li>1. Dobra saradnja među sektorima kod provedbe programa</li><li>2. Dobra koordinacija sa donatorima i međunarodnim finansijskim institucijama</li><li>3. Dobra koordinacija sa entitetskim zavodima za statistiku pri izradi planskih i programskih dokumenata</li></ol>	<ol style="list-style-type: none"><li>1. Poteškoće vezane za koordinaciju između institucija uključenih u statistički sistem</li><li>2. Neadekvatno korištenje administrativnih izvora zbog tehničkih i administrativnih problema</li><li>3. Opterećenost izvještajnih jedinica sa statističkim i drugim upitnicima</li></ol>
Rezultati rada	<ol style="list-style-type: none"><li>1. Brz i jednostavan pristup statističkim informacijama na jasan i razumljiv način, diseminiran skupa sa meta podacima i smjernicama</li><li>2. Izrada velikog broja statističkih publikacija koje pokrivaju širok raspon tema prema unaprijed najavljenom Kalendaru publikovanja</li><li>3. Provedba planiranih statističkih istraživanja/ aktivnosti u skladu sa rokovima utvrđenim u planskim i programskim dokumentima</li></ol>	<ol style="list-style-type: none"><li>1. Neodgovarajuće pripremljena i izvedena obrada statističkih podataka (logičke kontrole, selektivno editovanje, imputacija podataka, izlaznih tabela itd.)</li><li>2. Zastarjelost izvora podataka za pripremu okvira za uzorak i adresara</li><li>3. Neadekvatna promocija statistike i odnosi s javnošću</li></ol>

Tabela 2. Analiza vanjskih faktora koji utiču na BHAS

	Analiza PRILIKA Agencije za statistiku BiH	Analiza PRIJETNJI Agencije za statistiku BiH
<b>Političke</b>	<ol style="list-style-type: none"> <li>1. Politički ambijent i okruženje</li> <li>2. Proces pridruživanja EU-i</li> <li>3. Jačanje i bliska saradnja sa statističkim uredima drugih zemalja</li> </ol>	<ol style="list-style-type: none"> <li>1. Društvena transformacija uslijed globalizacije i ubrzanog tehnološkog razvoja</li> <li>2. Neharmonizirani propisi na nivou države i entiteta</li> <li>3. Nedovoljna međunarodna saradnja i pomoć u oblasti statistike</li> </ol>
<b>Ekonomske</b>	<ol style="list-style-type: none"> <li>1. Redovno finansiranje statističkih aktivnosti kroz Budžet</li> <li>2. Modernizacija prikupljanja podataka</li> <li>3. Korist od finansijskih sredstava odobrenih od strane EU i drugih međunarodnih organizacija</li> </ol>	<ol style="list-style-type: none"> <li>1. Nemogućnost provođenja određenih (anketnih) istraživanja zbog nedostatka finansijskih sredstava</li> <li>2. Nedostatak sredstava za stručno usavršavanje stručnih kadrova</li> <li>3. Nedostatni i nepotpuni administrativni izvori</li> </ol>
<b>Socijalne i Društvene</b>	<ol style="list-style-type: none"> <li>1. Rastuće potrebe za statističkim podacima i informacijama Povećanje važnosti statistike na nacionalnom i međunarodnom nivou</li> <li>2. Obuka korisnika u cilju boljeg razumijevanja statistike</li> <li>3. Animiranje korištenja statističkih podataka za naučnoistraživačke i analitičke potrebe</li> </ol>	<ol style="list-style-type: none"> <li>1. Izostanak saradnje sa naučnoistraživačkom zajednicom na polju statistike</li> <li>2. Fluktuacija stručnih kadrova</li> <li>3. Pitanje povjerenja za statističkih podataka</li> </ol>
<b>Tehnološke</b>	<ol style="list-style-type: none"> <li>1. Uvođenje sistema upravljanja kvalitetom</li> <li>2. Uspostava e-vlade</li> <li>3. Razvoj u informacijskim tehnologijama</li> </ol>	<ol style="list-style-type: none"> <li>1. Opterećenost izvještajnih jedinica</li> <li>2. Nizak odziv izvještajnih jedinica – davalaca podataka</li> <li>3. Nemogućnost uvođenja novih informacijskih tehnologija</li> </ol>
<b>Pravne</b>	<ol style="list-style-type: none"> <li>1. Donošenje Izmjena i dopuna Zakona o statistici BiH</li> <li>2. Potpisivanje sporazuma o saradnji sa vlasnicima administrativnih izvora podataka</li> <li>3. Donošenje Pravilnika o zaštiti statističkih podataka</li> </ol>	<ol style="list-style-type: none"> <li>1. Neadekvatna zakonska regulativa (Zakon o statistici BiH)</li> <li>2. Neadekvatna-nedovoljna međuinstitucionalna saradnja u obezbjeđivanju i pripremi administrativnih izvora podataka</li> <li>3. Neovlašten/neautoriziran pristup povjerljivim podacima</li> </ol>

## 4.2 Srednjoročni cilj

<b>Srednjoročni cilj 1:</b>	Obezbjediti kvalitetne, harmonizirane i pravovremene službene statističke podatke svim korisnicima
-----------------------------	--

Pružanjem kvalitetnih, harmonizovanih i pravovremenih službenih statističkih podataka obezbjediti će se raspoloživost nepristrasnih statističkih podataka za bosanskohercegovačko društvo i ekonomiju. Kontinuirano će se provoditi usklađivanje sa zahtjevima statističkog sistema EU-e u pogledu broja statističkih pokazatelja, rokova objavljivanja i primijenjene metodologije. Dosljednom primjenom osnovnih načela službene statistike povećat će se kvalitet statističkih podataka i usklađenost bosanskohercegovačkog statističkog sistema sa evropskim zahtjevima.

## 4.3 Specifični cilj

Na temelju definiranog srednjoročnog cilja BHAS je utvrdila specifični cilj.

<b>Specifični cilj 1:</b>	Unaprijediti kvalitet službene statistike i kvalitet odnosa sa korisnicima
---------------------------	--

U skladu sa prethodno definiranim specifičnim ciljem, utvrđeni su programi i projekti za njihovu implementaciju.

Tabela 3. Programi i projekti definirani za Specifični cilj

<b>Specifični cilj 1:</b> Unaprijediti kvalitet službene statistike i kvalitet odnosa sa korisnicima	
<b>Program 1:</b> Proizvodnja službene statistike u skladu sa potrebama korisnika	<b>1.1</b> Provođenje statističkih istraživanja/aktivnosti <b>1.2</b> Infrastrukturna podrška statističkoj proizvodnji



## **Poglavlje 5: Resursi i kapaciteti potrebni za postizanje ciljeva**

### **5.1 Predviđeni izvori finansiranja**

Finansijska stabilnost je od ključne važnosti za stručan i nezavisan rad statističkih institucija u BiH. Agencija je kao stručna samostalna upravna organizacija neposredno uključena u postupak pripreme državnog budžeta. Za provođenje zakonom utvrđene djelatnosti Agenciji se sredstva osiguravaju iz državnog budžeta u skladu sa utvrđenim višegodišnjim budžetskim okvirom i godišnjim finansijskim planom. Međutim, ako se u obzir uzmu ambicije u pogledu usklađivanja i pridržavanja zahtjeva EU, raspoloživi finansijski resursi ne mogu obezbjeđiti implementaciju svih pravnih akata EU u domenu statistike. Brojne razvojne aktivnosti su dosad ovisile o finansiranju koje su osiguravali donatori, te će bez nastavka donatorske finansijske podrške i/ili povećanja budžeta proces prilagođavanja evropskim zahtjevima ići veoma sporo.

Poznato je da je od više država koje su sada dijelom evropskog statističkog sistema zahtijevano da značajno povećaju budžete kako bi se istome bile u stanju prilagoditi, čak iako se radi o već visoko razvijenim zemljama. Ako postoji ambicija da se približi standardima EU, neophodno je kroz period od više godina, pažljivo planirati i kvalitetno utvrditi i definirati prioritete, istovremeno osiguravajući da se ne zanemari ni pitanje izdvajanja iz budžeta.

Postojeća struktura statističkih institucija u BiH je također podložna rizicima, s obzirom da razvoj i implementiranje statističkih istraživanja ovisi o dostupnosti resursa i mogućnostima sudjelovanja sve tri statističke institucije. Tako da bilo kakav disbalans u razvoju budžeta i resursa može negativno uticati na provedbu, odnosno rezultate nekih od značajnih istraživanja na državnom nivou.

Za realizaciju programa i pripadajućih projekata, a u cilju realizacije postavljenog srednjoročnog cilja i specifičnih ciljeva definisanih *Srednjoročnim planom rada Agencije 2019 – 2021*, potrebno je izdvojiti 14.510.000 KM iz budžeta institucija BiH. Navedena finansijska sredstva su potrebna za jačanje i razvoj organizacionih, ljudskih i tehničkih kapaciteta Agencije u cilju izvršenja Srednjoročnog plana rada.

### **5.2 Jačanje organizacionih kapaciteta potrebnih za izvršenje plana**

Agencija trenutno ima 117 zaposlenih, što čini 62 % od planiranog broja zaposlenih prema Pravilniku o unutrašnjoj organizaciji Agencije iz 2008. godine. U narednom periodu se očekuje prilagođavanje unutrašnje organizacione strukture u svrhu optimizacije procesa i zadataka.

Poboljšanje obrazovne strukture zaposlenih i njihov stručni razvoj, usmjeravanje stručnih karijera zaposlenih (pozornost na ključne kadrove i razvoj novih profila), kao i implementacija mjerenja zadovoljstva zaposlenika, te na osnovu toga poboljšanja njihove efikasnosti.

## Poglavlje 6: Okvir za praćenje provođenja plana i evaluacija rezultata

U cilju praćenja aktivnosti na implementaciji srednjoročnog cilja i evaluacije rezultata u navedenom periodu, utvrđeni su i definirani ključni pokazatelji - izlaznog rezultata, učinka i efikasnosti. Ovdje dajemo samo definicije pokazatelja, a u PRILOGU A su navedene same mjere tj. planirani učinci.

### 6.1 Definiranje ključnih pokazatelja

#### a) Okvir za praćenje realizacije srednjoročnog i specifičnog cilja - Pokazatelji uspjeha

- 1. Usklađenost korištenih statističkih standarda sa međunarodnim preporukama** – Nivo usklađenosti statističkih standarda sa preporučenim standardima evropske statistike;
- 2. Zadovoljstvo korisnika kvalitetom statističkih proizvoda i usluga (indeks)**- Anketnim istraživanjem mjerimo zadovoljstvo korisnika kvalitetom pruženih statističkih proizvoda i usluga.

Tabela 4. Pokazatelj uspjeha srednjoročnog cilja

<b>Srednjoročni cilj 1: Obezbjediti kvalitetne, harmonizirane i pravovremene službene statističke podatke svim korisnicima</b>		
Pokazatelji uspjeha	Početna vrijednost (2018.)	Očekivana vrijednost (2021.)
Usklađenost korištenih statističkih standarda sa međunarodnim preporukama	72%	80%

Tabela 5. Pokazatelj uspjeha specifičnog cilja

<b>Specifični cilj 1.1: Unaprijediti kvalitet službene statistike i kvalitet odnosa sa korisnicima</b>		
Pokazatelji uspjeha	Početna vrijednost (2018.)	Očekivana vrijednost (2021.)
Zadovoljstvo korisnika kvalitetom statističkih podataka	76%	78%

#### b) Okvir za praćenje realizacije programa i projekata - Pokazatelji izlaznih rezultata

- 1. Proizvedeni i diseminirani kvalitetni i pouzdani statistički podaci u skladu sa potrebama korisnika** - Nivo statističkih podataka koji su proizvedeni u skladu sa zahtjevima domaćih i stranih korisnika;
- 2. Provedena statistička istraživanja/aktivnosti** - Broj provedenih statističkih istraživanja kojim zadovoljavamo potrebe korisnika za statističkim informacijama;

3. **Objavljene publikacije BHAS (saopćenja, bilteni, ostala izdanja)** - Broj objavljenih publikacija (printanih i elektronskih) kojim zadovoljavamo sve izraženije potrebe korisnika za statističkim informacijama;
4. **Provedene mjere iz akcionog plana za uspostavu i razvoj FUK-a u Agenciji** - Smanjenjem stope neodziva izvještajnih jedinica povećavamo kvalitet provedenih statističkih istraživanja;

Tabela 6. Pokazatelji rezultata za programe u okviru Specifičnog cilja 1

<b>Specifični cilj 1.1:</b> Unaprijediti kvalitet službene statistike i kvalitet odnosa sa korisnicima		
<b>Program 1.1.1:</b> Proizvodnja službene statistike u skladu sa potrebama korisnika		
Pokazatelji rezultata	Početna vrijednost (2018.)	Očekivana vrijednost (2021.)
Proizvedeni i diseminirani kvalitetni i pouzdani statistički podaci u skladu sa potrebama korisnika	35%	50%

## 6.2 *Metodi za prikupljanje informacija o pokazateljima*

Agencija informacije o pokazateljima rezultata i uspjeha prikuplja iz svih dostupnih izvora koji su na raspolaganju. Prije svega riječ je o evidencijama same Agencije, a zatim i relevantne informacije od strane Eurostata i ostalih dostupnih izvora.

Određivanje troškova izvršenja programa i projekata podrazumijeva aktivnu saradnju rukovodilaca osnovnih organizacionih jedinica i lica zaduženog za budžet u Agenciji.

## 6.3 *Osnovni zaključci prethodnog Izvještaja o provođenju plana rada*

Obaveza izrade srednjoročnog plana rada institucija BiH uvedena je Odlukom o postupku srednjoročnog planiranja, praćenja i izvještavanja u institucijama BiH („Službeni glasnik BiH”, broj 62/14), a primjenjuje se od 1.1.2015. godine i Zakonom o izmjenama i dopunama zakona o ministarstvima i drugim tijelima uprave Bosne i Hercegovine („Službeni glasnik BiH”, broj 19/16).

Slijedom navedenog Agencija je pripremila Izvještaj o provedbi Srednjoročnog plana rada Agencije za period 2016-2018 za 2017. godinu i dostavilo isti Direkciji za ekonomsko planiranje.

Veoma je važno istaći da je godišnji Program rada Agencije usklađen sa Srednjoročnim planom rada na način da su programi/projekti usmjereni ka provedbi postavljenog srednjoročnog cilja, koji je postavljen u okviru strateškog cilja - makroekonomska stabilnost.


**Prilozi**

Prilog A: Akcioni plan Srednjoročnog plana rada Agencije za statistiku Bosne i Hercegovine

Prilog B: Pregled zakona, drugih propisa i razvojno-investicijskih projekata/programa predviđenih Srednjoročnim planom Agencije za statistiku Bosne i Hercegovine

Broj: 04-02-5-1303-3-2/18

Sarajevo, 28.12..... 2018. godine



DIREKTOR

*[Handwritten signature]*  
Dr. sc. Velimir Jukić





**PRILOG B: PREGLED ZAKONA, DRUGIH PROPISA I RAZVOJNO - INVESTICIONIH PROJEKATA/ PROGRAMA PREDVIĐENIH SREDNJOROČNIM PLANOM RADA AGENCIJE ZA STATISTIKU BOSNE I HERCEGOVINE ZA RAZDOBLJE 2019. – 2021. GODINA**

Opći cilj / principi razvoja: Integrirani rast								
Strateški cilj: Makroekonomska stabilnost								
1	2	3	4	5	6	7	8	9
Srednjoročni cilj	Specifični ciljevi	Programi	ZAKONI	PODZAKONSKI AKTI	Usklađivanje s pravnim naslijeđem EU (DA ili NE)	Planirani period za DONOŠENJE	NAZIV PROJEKTA JAVNIH INVESTICIJA	Očekivani PERIOD REALIZACIJE
1.	1.1.	1.1.1.	-	Odluka o usvajanju Plana rada Agencije za statistiku BiH za 2020. godinu	NE	do 31.12.2019. godine	IBIH – BHAS - 1 Podrška reformi javne uprave i statističkom sistemu u sklopu Nacionalnog akcionog programa Bosne i Hercegovine 2015 (nastavak IPA 2012 nacionalnog twinning programa: Podrška državnim i entitetskim institucijama, faza VI)	2018. - 2019.
Osigurati kvalitetne, harmonizirane i pravovremene službene statističke podatke svim korisnicima	Unaprijediti kvalitet službene statistike i kvalitet odnosa sa korisnicima	Proizvodnja službene statistike u skladu sa potrebama korisnika		Odluka o usvajanju Plana rada Agencije za statistiku BiH za 2021. godinu	NE	do 31.12.2020. godine	IBIH – BHAS – 4 Popis poljoprivrede u BiH 2020	2018.- 2020.
				Odluka o usvajanju Statističkog programa BiH za period 2021. - 2024. godine	DA	do 31. 12. 2020. godine		
				Odluka o usvajanju Plana rada Agencije za statistiku BiH za 2022. godinu	NE	do 31.12.2021. godine		

